

四庫全書

集部

欽定四庫全書

集部

御製詩四集卷六

四至六

編修臣  
初喬齡覆校

總校官編修臣  
程嘉謨

欽定四庫全書

御製詩四集卷四

古今體一百四十九首

壬辰四

接要樓有會因成是什

山莊靜寄景無窮舉要接之易簡通松石春秋自殊狀  
雲煙朝暮已非同崇情常託詮象外妙解不期攬結中  
設以要言天下理為君難實切吾躬

交翠榭

仲春林樹尚空枝虛榭憑吟別契思慘淡中常出蔥鬱  
故知交翠有其時

漱瓊軒

盤不乏有泉泉所乏成池自高而臨下往往瀉無遺引  
來截其往乃賴人工為是池貯半畝頗渺清漣漪源則  
瀑布垂流則淨練披率可方以瓊漱石那藉竒雖然有  
後言絜矩可因思裁成詎此哉能弗愧乎斯

擷翠樓

漫言林翠未堪擷自有松青與栢蒼一陣天風翻石壁  
吹來謾謾稱心涼

山行

昨日山行值始晴嵐煙晴晦猶變幻今日山行喜大霽  
太空不遺雲一片天高地下物散殊總覺熙春滿所願  
水流石罅增其漲風行松杪掃其霰陰崖重壘銀樓櫓  
是處亂石壁立名之曰小石城向有詩  
古寺曲抱紅牆院是間得句倍向  
來知止言旋斯亦善

得概軒口號

詭石竒松本無意探幽濟勝覺紛思誰知幾日山遊趣  
軒以不言概得之

東竺庵二首

明當發歸蹕言復遊名山快晴已兩日雪融路不難膳  
罷理事畢趁此一朝閒策馬循仄蹊石磴陟千盤陰崖  
尚積冰其下奔鳴湍竺庵遙在望翼然松雪間色聲極  
淨處觀音如是觀

天竺自在西而何斯曰東萬物有對偶是理豈不同設  
更過東嶂此仍為西峯咄哉庵之竺東西適莫從境固  
未能定名亦安有窮三耳難實非三幡色即空金仙坐  
無言益示超乘

平聲宗

### 雲淨寺

竺庵東復東盤谷阻之阻跋馬厯搖剎亦即叩禪戶雲  
去淨梵宮雲歸淨天宇其淨不在雲非雲淨那覩淨實  
無變遷雲則有散聚試問雲淨者誰能更誰所

再題千尺雪

溪閣園門裏遊迴必憩臨一窻烘日影六律協泉音本  
性悅山水俗情忘古今兩收名實好積素在崖陰

再題半天樓

雪中前日望山尖山樓知在雲煙裏快晴今日暢躋攀  
猶有積素庭中委地迴由來雪益大曦光到此應遜矣  
下視薊野全無雪陰嶺惟餘塊素耳一為慰因衆黔黎  
一為念塵諸軍士僧格桑尚未就擒

時官兵進剿小金川已抵其資哩僧



格宗諸隨現在攻圍一俟攻克即可擣其美諾巢穴擒縛僧格桑日來盼望捷音甚切而其地相近雪山軍行覓間以進岩礮冰雪未融將士不免衝寒洩凍光深屢念執戈方將攻玉壘

### 降東嶺遂至冷然閣

巖樓已據高東嶺高無幾略陟遂成降事半功倍矣松濤石海間羅落穿其裏積素霏林端祇以天花擬數息肩與人亦造屋之圮下梯始知閣因迴所為耳冷然響颯風霽後應有此

### 琴峽亭

出峽泠泠迸水清耳根忘處靜塵情東坡聽得賢師操  
絃是春溫和且平

池上居

砌石為池貯山水就卑因迴疊三層免教盡瀉無餘剩  
乃得平鋪有碧澄幾架溪房影倒漾一輪巖月魄虛憑  
田盤不少高低瀑似此方塘信絕勝

題仇英松風水閣

盤谷之中池上居十洲畫幅映紗疏松風水閣皆相似

活脫精神笑不如

直隸總督周元理兼管順天府尹尚書裘曰修

奏報雨雪情形詩以誌慰

有序

周元理表曰修承命濬治北運河蒞視工作會函入告云是月望行次河西務濃陰小雨之後繼以霽雪自戊初迄次日子羊入土計三寸餘且雲勢廣濶霑澤必普數日前既滋霰霰茲復春霏益潤落地即融宿麥新畬均資其利農情極為歡慶披覽慰意因叙其梗概

而系以詩

月之望雪勢瀰漫正慮畿南氣釀寒大吏勘河封牘至  
清晨問政啓函觀融同春雨三寸足茁助秋鋤萬姓歡  
潦後窮黎賴有此祇心憐耳未心寬

盤山迴蹕度大嶺至大新莊行宮作

前朝度過逢霏雪今日度迴喜放晴既下平原遵坦路  
更看潤壤起春耕高峯積素夫何害勝境雖佳不繫情  
駐蹕適馳閣本至任人勅政慎施行

山東巡撫徐績奏報得雪

雪由薊北逮山東

近畿各屬均於月之十二日得有雨雪茲徐績奏濟南東昌武定三府屬

州縣並於十二日得雪隨融入土三四寸不等春膏同日均霑北方尤為罕覩

地以迤南更易

融入土已稱三寸潤後期還冀兩朝同

十五日之雪徐績尚未奏到

雨暘農務厯吾切宵旰民艱憶彼恫仍卜豫郊霑也未

前日何楣奏豫省盼雨甚切諭令隨得即行奏聞今各處雨雪之日雲濃而廣冀中州亦得同霑膏澤尤切厯

念紛予望念那終窮

盤山迴蹕至暢春園恭問

皇太后安喜而成什

省耕補不足而旋仙苑詢

安申慈虔春色正佳桃蕊綻土膏特潤麥苗芊既陳薊  
野民情適亦悉香山

慈賞便

啓 蹕後命皇貴妃皇子等侍  
遊香山靜宜園駐蹕數日昨始還暢春園

皇太后

曁壽益增

體益健所期如是以千年

河南巡撫何燭奏報得雨詩以誌慰

正企中州信忽傳大吏章春膏被同日

何燭前奏豫省盼澤甚殷諭令隨

得隨奏日來正切望其報雨之章茲奏到省城於二月

十二日雨霽以雪各三寸許而附省州縣均于是日得

雨雪三四五六寸不等麥苗得及時長發  
大田亦得翻犁農民欣慶覽奏為之慰悅  
渴壤潤連疆

恰值興犁候欣聞比戶慶一心寧不慰慰矣敬仍慶

題董其昌書畫合璧冊

重嵐樹色

嵐重樹以重蒼蔚渺何極奚必施丹青此是太古色

林館煙霞

書聖畫造賢

以予視之董字信可稱聖若夫畫祇可造賢人之境耳

乃不名一家

山樵荷葉鉞中自生煙霞

巖棲靜致

幽人結廬處勝必占林泉清畫著何書鶴林玉露篇

溪塢秋晴

古屋喬樹下樹上秋陽晶何必悲長年此景亦復好

嶺雲過雨

米家墨戲法原弄畫禪室

石渠寶笈貯米友仁蒲湘圖煙雲掩映極墨戲之妙藉為



董其昌畫  
禪室中物

邇來六百年誰人敢落筆

層巖蕭寺

層峯既岷嶂古寺亦蕭閒設更問其處應為覆釜山

峯屏積翠

春夏及秋冬峯容各殊致儻來月月看便是展十二

溪山一曲

山深溪復曲書畫出一手古句當題詞愛與古人友

每畫

幅對頁其昌各書唐人五言絕句  
以代題辭亦不盡與畫意合也

山西巡撫三寶奏報得雨

晉省原知非望雨同時報亦渥春膏

三寶奏山西省城及近省各屬俱于

二月十二日得雨雪二三四五寸不等農田大有裨益且與畿輔齊豫同日霑膏尤為欣慰

不先不

後逮四省種麥種禾遍九臯為

去

民舉手惟稱慶在我

問心何以叨夏長秋收期正遠輦謙戒滿矢恒操

詠痕都斯坦玉碗

璞韞崑山鏤傳印度卷芳莖而環耳攢花纈以承

趺晶瑩一規允彼良工巧琢琢縈五字嘉茲寶器

恒來

西崑率產玉良匠出痕都楮刻異三載水磨成百瑜製  
精畫難比器鉅執如無不寶非求彼頻來却慙  
去聲吾

山桃花三首

山桃開例仲春初春冷今遲半月餘却喜天具神解  
田盤迴蹕待吟予

沿溪淡白間

去聲

深紅倒影清波意與融恰似盧家能磧

面取將花雪鏡光中

卷四  
桃娘偏致妬封姨習習隨來枝上披潤透青郊不需雨  
春雲正藉好風吹

無逸齋

寢門問

安退別館勅幾仍事事用敢忽孜孜惟用兢勤民恤彼  
隱授吏量其能黽勉所無逸

神堯垂訓曾

齊額  
祖御筆也

皇

出暢春園門至泉宗廟即景襟詠四首

理政罷猶清暇餘泉宗非遠試遊諸溪田夾路足春水  
挑柳風中度筍輿

稚綠纔看籠嫩紅輕莢鋪陌未成叢韶光那是絕勝處  
祇在含姚釀冶中

一帶青山列若眉幾塍碧水漾興帷樓霞西往金陵路  
有趣無塵故若斯

蒲埭沙隄幾曲沿行無五里到當前清泉白石依然好  
笑我無端別二年

題挹源書屋

廟側築書屋清泉左右分  
纔看出竇汨遂喜寫渠沚  
矩於為學窮源亦有聞如探天一本曰萬實滋紛

曙觀樓

一帶平林遠郭東銅鉦飛上曉曦紅  
無須絮帽披橫嶺玉局詩情想像中

向綠軒有會

俯而視溪流綠水已漪連  
仰以觀庭木綠葉猶未鮮  
水

木同清華遲早偶殊焉向者屬有心於斯較半全不如  
軒受虛無言付忘筌

觀瀾亭

觀瀾雖曰觀水術亦欲循流以識源設使非由根本得  
縱成章祇屬空言

主善堂

試問宜師者端應主善為與居寧過此能擇每思其碧  
水階前繞青蕪窻外披乾元資大始示我長人規

秀舉樓

若翼飛樓詭石巔  
凌空擢秀勢翩翻  
每來曾未一拾級  
讓與駐遊控鶴仙

依綠軒

祠當中墅列東西  
左攬應知右若溪  
半刻何妨少紆步  
七言仍復與留題  
庭松不改古顏蔚  
砌草已欣生意萋  
南牖一稜餘日影  
流陰兩歲未遷兮

集遠堂口號



堂顏集遠因攬景集遠無過百里邊我所思逾幾

平 百

倍官軍正在勦金川

### 樂清館

泉木翳然處三間書館開兩年忽成別此日又重來何  
有寸陰惜且欣韶景回於斯春可樂而不惹塵埃

### 輝淵榭

綠柳梳晴川飛泉寫白石對泉構小榭言樸弗言窄垂  
流漸就平一泓澄淵積雖無蚌育珠清輝漾靈液去歲

泉林景目前原不隔

津逮亭

由來水到成渠耳默坐虛亭會意殊為政設於斯絜矩  
何曾津逮識唐虞

由泉宗廟沿隄遂至聖化寺即景雜詠

泉宗攬結出西門隄上春光概可論綠柳放條臨曲岸  
紅桃著色護孤村

方方新水滿鱗塍陌不生塵景絕勝竄憶泉林春客歲

衣雷濛濛敲

去聲吟曾

難尋東雉與西勾日下徒聞著記留祇有石橋臨古路  
依稀還可認巴溝

精藍到不費多時寺閣金光照水涯南首更知別墅在  
乘閒索與小棲遲

題舍淳堂

一徑池中達方塘左右分清波映素志大塊示真文白  
芷綠蒲遲

去聲

枕經菲史欣捨淳思厚俗吾亦未前聞

數嘉室

一氣鴻鈞鼓物華對時書室坐數嘉以言斯道誠先覺  
試證韶光總不差峯影波情相澹蕩輕莢弱柳逐增加  
漆園意謂猶饒舌強論無涯與有涯

湛凝齋

湛待凝而得凝因湛越佳由來觀動定可以契澄懷寂  
謝心波起靜知道堯諧大圓鏡光裏忘照祇溪齋

暮翠軒

新葉林間尚未披  
文軒縱目望無涯  
漫言嘉蔭猶遲待  
一瞬應看羃翠時

囑巖樓

樓在溪南巖溪北  
溪光巖影樓窻巖  
因有囑翻成獨  
溪以無言自解雙  
不即不離都契妙  
是空是色兩相降  
青蓮身祇標清淨  
根境由人品議擬

得真齋戲題

真者假之對得者失之反  
既真假斯無謂得失已遠譬

如境非我心實我之本云我得境可云我得心舛以水洗水人足知其識淺

襟嵐書屋

書屋悠然嵐翠間  
開窓近即眇孱顏  
所欣無定中有定  
於此宜閒却未閒  
合讓清風與明月  
恒依綠水及青山  
促成新句鄰舊句  
我亦因之命駕還

微雪

二月廿六日

春雲徹夜又鋪勻  
清曉霏霏糝玉塵  
落地陽升融已渙

著房陰背素微皺踊愁凝凍車和令翻類幸災樂禍人  
率曰參猶未勃長上聲斯言豈果出農民

雪中舟泛

勤政

名殿

晨當勅政畢飛雲

名舟

暇逐破雲開御湖豈是山

陰境不必絮言訪戴來

舟衝縈薄復鬢髮近岸依然望若遐今日誠遊香雪海  
桃花都認作梅花

著地入波總消化祇餘空裏散花形假山却見陰嶺秀

積素還藏一抹青

幻如萬卉發珠朶紛似一天舞玉蛾却憶餘杭有佳句  
斯時真是不宜多

晴

微雪昨朝過朗晴今曉和春膏常慮少此日乃虞多素  
不積高嶺融還潤坦阿載宣京兆且農事問如何

微雨

二月廿  
七日

過午雲重聚逮申雨細飄不寒吳礎澤已足却嫌饒率



可人情驗惟因農務翹小霏旋即止快霽待明朝

御園晴泛

朗晴弗冷亦非暄耐可蘭舟泛御園勅政勤惟協物理  
值閒遊以慰心源柳邊絲意垂餘潤桃處花光逐漸繁  
新水載舟澄見底十思疏裏憶微言

詠古玉碗托子疊前韻

向有古玉碗托子之詠茲偶得此憶與舊器頗同  
取以相比則玉質玉色及規圓中孔分毫不爽蓋本

一對而分失耳慨然有感因疊舊韻詠之

誰與為分誰合之竟如神鬼暗中為已飛劍認襄城際  
久別珠還合浦時篋弄故應成秘賞槐承寧復使重離  
拈髭吟就忽失笑未得斯前可不思

題方琮山水

卜築溪山秀溪山秀逼人開窻眄澹迤攜杖陟嶙峋紅  
寺白雲外蒼崖綠水濱如將諮太古此地有先民

郊外二首

逮耕千畝返都京  
曉日青郊步輦行  
蕪已舒芽含露潤  
柳將發葉帶煙橫

春麥種齊秋麥茁  
綠鋪近遠入憑觀  
設無昨者畏寒切  
安得如斯滿志歡

山東巡撫徐績奏報得雨

報雪早知茲報雨  
優霑云透一犁任

徐績奏省城于二月廿二日密雨竟

日近省之濟南泰安所屬各州縣亦同日得雨深透  
麥苗彌望菁蔥大田亦得及時播種民情極為歡抃 齊

民履畝欣舉趾  
大吏騰章奏好音  
昨歲偏災藉稍救  
仲

春渥澤戴誠深三時穡事期猶遠敢即而今少釋心

河南巡撫何燭奏報得雨即用前詩韻誌慰

開封遲日奏章至展閱雷膏慰不任

何燭奏豫省於二月十二三及十六

等日閩屬連得雨雪後茲省城復于廿二日自辰及酉霽雲相繼入土深透附省各府州並得均霽正與山東

同日優渥何期遍齊豫形容未可以言音早禾均得苗生

勃秋麥更欣根護深

何燭並奏上年種麥時秋雨本透盤根既同茲屢渥春霖更得十分

暢發即早秋均可乘時佈種實數年來所未有

大吏喜哉滋敬耳庶幾乃與我

同心

李春齋居

小祀例惟兩日齋齋斯同一敬為偕潤滋東畝無需盼  
捷待西川正繫懷曦北低看移牖影畫長遲覺報壺牌  
輕雲薄霧常奄霑不雨何妨雨亦佳

高克恭青山白雲圖

北宋雄渾有四家率逸無山容青鎮潤雲態白如鋪茅  
屋隱林下板橋接路隅南宮真脈在割裂豈妨乎

畫無  
克恭

名款而幀端有王士熙姚庸張肅  
周伯琦四人題識授證極為精審

詠古玉尺

鼂采全然閔葆光過姬周代直陶唐設非可準摘文筆  
未得輕將以此量

祭

先農壇述事

城南低地水未涸石陌如弦不起塵固是此時弗需雨  
敢疏與

祭正當春始興稼穡功朔

帝秩薦豆遵敬禮

神畿輔兩年經澇沴益虔祈歲活吾民

耕藉禾詞

禮占吉亥暮春初千畝南郊治坦如却已兩年濶穡典  
犂鞭將事益殷予

春巡昨甫閱新耕秋麥菁蔥亦發萌藉禮舉因闕定制  
率先此乃屬遲行

弗躬弗信訓昭然民事寧容謝長

上聲

年惟是三推祇循

例未曾加一愧殊前

將行耕藉有以朕六旬以上為辭者不允但依典制三推弗行加一

之禮亦足省步節勞然中心則以為愧矣

三上九卿鱗排各按班農夫蓑笠禮都嫺惡衣致美惟

敝冕要欲從知稿事艱

御園暮春

耜田禮罷御園返春日遲遲喜載陽  
蘭陌煙光濃以露柳隄綠意重於黃蜂  
猜杏埒遊還怯魚試蘋波出復藏  
稍惜山桃花欲謝思量開固早羣芳



微雨

三月初六日

五更初報佈濃陰詰旦霏微細點斟十日未踰論衡吉

前月廿六日微雨

三朝漫詡藉裡歆東郊益潤苗生隴上苑偏

滋花發林更擬微霑放晴好因知人實鮮恒心

御湖晴泛

微雨旋云止春晴亦復佳往年斯覺惜今歲乃宜懷勅  
政前庭罷漾舟後泊諧滄池疊霽浪不必問津涯

四面圍長岸亭臺倒影披花光舒錦繡波意閃呆愚艷

裔全舍潤飛潛總覺熙鳴榔漫須急得句恰宜遲

即事

由近以及遠大吏報次第率稱春雨霑實利興農事畿  
輔昨秋霖下隰猶潤漬弗雨乃覺宜小霏遂開霽迴異  
常年沉望澤愁不置暮春御園景攬結應暢意而却繾  
軍營捷音盼即至五夜醒十番孰能安枕寐合是憂勞  
人韶光任明媚

舍韻齋玉蘭

今歲韶光未孤負庭前六樹燦芳華如於韻處評其品  
實是春花祇此花

女夷妙手玉人過一夜雕成花滿柯分付流風莫相妬  
封姨寧不識菁莪

梅花朶朶無向上朶朶玉蘭向上開一為

去聲

承暄一避

冷不同同處各呈材

亭亭玉立樸齋前恰似竹溪對六賢靜度幽香都未改  
春光瞥眼又三年

題董邦達山水冊

春林澹靄

春林葉未齊春煙澹欲迷  
望遠渺漠漠入深靄淒淒村  
屋無人出只待斂朝臙

松谿釣艇

野艇任飄漾一絲聽浮沉  
自適釣魚樂而無羨魚心  
松

風和去聲漫叟寫出韶濩音

蘆汀煙雨

遠山落驟雨，片刻澗谿漲。歸舟竹葉輕，茫茫失所向。且尋蘆汀泊，一壺千金償。

山郭雲嵐

萬嶂蔚氤氲，千林杳莫分。疑是宅仙子，不然棲隱君。雲關恒自掩，弗藉稚圭文。

竹裏茶煙

幾曲石泉上，萬个竹林中。拾葉然古鼎，烹茶命奚僮。鬢

絲風輕拂，合是玉局翁。

蘇軾詩鬢絲強理茶煙中

疎樹幽亭

草亭臨澗濱古樹與為鄰  
天籟滿清聽野約接雲津  
不是塵凡境故無來往人

萬疊芙蓉

弗從藕擢枝非因日放蕊  
萬疊如萬瓣有青亦有紫  
漫擬湧陸地溪臨功德水

秋山攜杖

樹喬石之側波澄岸之曲  
手攜筇竹杖蕭然展步獨定

是王逸少客贈自西蜀

風簾對瀑

耳得斯為聲目遇斯成色  
色聲洗以淨惟斯乃殊特  
欲笑眉山翁却從風月食

曲榭臨流

架屋澄溪上朗照欣所遇  
水木足清華雲山呈靜趣  
往來有舟通奚必愁無路

寒林曉市

千林意向寒護霜雲影重山市幾家連炊煙出穴孔雞  
黍鬻旅人誰罔求登壑

竹泉山館

泉聲帶澗溪竹影籠庭院其中有高人可望不可見頗  
似茲題冊當前失對面

賦得匠成翹秀

得多字八韻  
會試題

儲預棟梁任養從翹秀羅致之那厭屢育也豈辭多寧  
必全材是弗遺一藝他剔毛無背用攬翮有霄摩亦凜



不實訓還思刈楚歌栽培得貞幹正直自喬柯  
陶冶賢良器裁成德行科在予責誰諉蒿目詠菁莪

雨

三月十三日

前晚雲色黃踊慮風霾復須臾澄渙忽黑雲聚成族  
昨晚霏細絲徹夜時霰霏今晨乃大作簷齒落銀竹  
額慶有是哉麥收庶可卜理事來百寮

是日御門理事

同欣匪我獨

### 題春雨軒

春雨殊艱致今朝對此軒佳名信已副颯景故堪論  
濯

錦林花潤調琴瀑水翻數年幸一遇那可去無言

昆明湖泛舟至玉泉山即事

欲往香山小駐鑾暢春清曉敬詢

安取程水路舟行近傳膳玉泉齋憩寬此已美哉彼盡  
善兩無繫耳一先盤指西阿那綠雲表少刻斯為俯鏡  
看

駐蹕香山靜宜園作

過雨麥苗芄大田輕輿綠野靄朝煙以言農景心差慰

祇望軍郵眼欲穿散悶聊因駐五宿惜陰頓已向三年  
園成趣固非日涉却對山光覺惘然

棲雲樓

登樓迴望來時路十里青郊綠潤濃雲固可棲弗棲可  
兩無所繫意從容

來青軒

冬時萬木疎夏時萬木密疎則白有餘密則青可必而  
青以漸來其來在春日我復遠來茲開軒青滿室名異

實則同兼三乃函一

香岩室

寺據層岩室號香春來花木正芬芳一聲定磬雲中落

吾亦於斯鼻觀

去聲忘

題超然堂

堂憩超然意亦超軒乎舉若坐青霄弗因境易嗟誰是  
惟以物遷訓更昭

曠覽臺繹辭

崇山已雄隆層臺復傑峙心目兩無遮曠覽以名此然  
予繹其辭所包實廣矣曠覽千古上興亡昭至理曠覽  
八埏間教養民艱揆其事雖或殊其責將誰諉詎云玩  
景物差蘆謬千里

靜室

室據山最高因之名曰靜弗藉谿壑環雅占峯巖頂鄰  
虛故得謚超俗斯稱迴每來所必憇每憇意為永筌蹄  
笑未忘摘句仍酬景

金少隱詩集卷四  
碧雲寺

傍晚有餘暇過山尋梵宮石橋初度處瓦殿若浮空到  
可消諸慮禪非叩六通埤前一池水照影昔年同

試泉悅性山房口號

春泉瀲灩漱雲涯綆汲惟明定不差便試越甌非別品  
南方貢到雨前茶

夕

旦氣清而佳山中夕似旦蒼然暮色侵次寥澄河漢如

水接滄瀛南北峯夾岸過望月上遲金光拖一線須臾  
露全體淦淦呈對面知妙難形容揆戔紀所見

題致遠齋

靜宜園中咨政處駐茲清曉所必臨致遠詎為玩山景  
九州四海在一心一心敬怠分頃刻罔念作狂凜戒深  
況今西川未歲事夜以繼日企捷音

玉華岫

一麓落平川起伏復幾疊其腰得坦岡梵宇開匝樸

斷不言華簡構弗傷狹幾閒坐筍輿數息試游涉閱畫  
乃非幃拈詩未攜笈欣遇率可書精練謝植總俯視麥  
壠青是固心所愜

正凝堂

築堂臨石沼治水暎堂清正影松舍照凝和雲吐英居  
然協上下耐可玩澄明設繹象傳鼎吾方厯大烹

融神精舍

築舍古松間清會致不同蒼顏與青骨落落埒墀中商



岩惟四老香崖繞九翁此皆數過之箇箇標仙風目成  
若有神心怡斯則融

登來芬閣

敞樓嶽嶽據池濱檐際連漪影漾紋湯道水華猶待候  
輕風波面似來芬

山陽一曲精廬

林巒環抱處一曲逶幽致曰山山信富惟此水亦備倒  
影入諸峯朗潤含峭翠似可傲岩樓云非所能事

淨涼亭

昨日暢遊山今日樂臨水  
穹窿峭蒨間那可乏治止小  
亭碧波上來往鏡光裏  
暮春本隋寒一心淨無滓  
不必向亭會而亭實共此

得一書屋

窻櫺不設祇欄扶却與尋常書屋殊  
那更五車誇博學  
惟從天一玩河圖

對瀑二首

飛落雲岩赴石谿康王簾谷訝堪齊纔經一月兩對瀑

二月中旬駐盤山靜  
寄山莊亦有對瀑詩今昨如流視此兮

輞軋奔騰有是乎色聲無定若為圖明知引自香山脚  
略改觀斯意迴殊

虛朗齋作歌

中有物斯弗虛外有物斯弗朗物之蔽雖不同其感照  
同不爽一指當前七情內牽難為虛朗昧由已焉故予  
坐是齋而瞿然

松鴈雲莊

鴈藉松為護莊稱雲作居深閒常帶潤疎處亦含虛遊  
目恒看畫繕心合讀書却無讀書暇精舍隱嗤予

勝亭

勝亭棲岨岨蓋不常至此今朝風日佳偶因試步履  
態及林姿一一供眼底適接西川郵恢復番之鄙

桂林奏報

總兵宋元俊統兵收復金川侵佔革布什咱之地已得  
木巴拉博祖薩木多替載巴角諸處殲戮賊番甚多惟  
盼勦平美諾擒獲僧格桑  
以歲斯役亟望捷音之至所期殲渠魁小勝何足喜

碧峯館

三間閒館倚碧峯壘竈突兀殊難狀雕瓊纂錦無不工  
造物夫豈勞心匠小坐促成七字詩窻櫺峯影旋旋移影  
盡片晌詩成矣爾許興會亦於此

閱武

八旗子弟兵健銳此居營聚處

上蘇無他誘

初建健銳營於此掄八旗勇

壯之士居之以其地離京城遠無習俗外誘而列

營聚處技易精勤平定西睡時用之頗著成效勤操

自致精一時看斫陣異日待干城亦已收明效西師頗

著名

寶相寺瞻禮

是相即非相

辛巳春詣五臺禮殊相寺歸而摹其相好勒之于碑尋於寶諦寺之右度地建寺視

碑摹而象設之具足莊嚴悉與殊相無二

文殊正不殊於斯瞻最勝豈曰落

空無萬億化身現光明智海俱延

釐將利物一念並殷吾

題妙達軒

幾間樸屋精藍側妙達堪因悟大通

經云大通智勝佛十劫坐道場祇

有現前慙愧在恐防人即喚行宮

香林室

書空傍蘭若階庭瀟灑如何須叅內典本自愛心虛一  
障屏常展千林葉漸舒飄來蒼筤味鹿苑豈殊諸

歡喜園

弗戚斯為歡弗怒斯為喜四者固循環此實勝乎彼春  
時萬物昌復霑膏雨美何非歡喜緣況在斯園裏信可  
通仁人不獨述佛子

錢陳羣奏抵家鄉信至詩以賜答

就道輕輿發殘臘高年抵里尚初春逾三千路塵食履望九旬身超類倫幅幅書牋仍健逸章章和句總清新香

山適接還鄉

嘉興有還鄉水

信即景尤思扶鹿人

陳羣昨歲和賜九老遊香

山詩有鹿馴巖畔當重扶之句受其超逸茲駐蹕香山陳羣奏抵家摺適至并附和詩及所書御製詩文以進披覽慰懷即得此末二句於摺內批答視事畢續成全什書賜更為香山增一段佳話云

香山迴蹕過玉泉山之竹

香山五日小留連清曉迴鑒過玉泉麥穎較長艷濃露



柳絲加密帶輕煙渚軒暫憩批章奏川路旋遵進舸船  
為詣暢春問

安豫春光無暇賞吟篇

題馮承素摹蘭亭卷用舊題褚摹卷韻

米記韓馮惜未見

米穀跋蘭亭帖云唐太宗既獲此書使馮承素韓道政之流模賜王公云

云其說本之張彥遠法書要錄而元章惟於褚遂良摹卷跋詠及之其餘皆不置題品自係未能悉見予於已夏題褚卷曾有韓而摹本反無真之語今以承素此卷及畫碑室所弄虞世南摹本並昔所題褚卷皆唐時名跡並入石渠寶笈又足徵海內所不足矣  
今看承素卷存真雖欣無翼聯

珍羽艱致却慚似褚人

再做倪瓚獅子林圖因成是什

真蹟獅林弄石渠不能移置以成書

倪瓚獅子林圖久入石渠寶笈上等

貯養心殿因書中已編甲乙不可更移他處

因之數典吳中彼

茲於長春園東北隙地規

仿吳中獅子林景即以  
其名名之並成是圖

再與傳神此日予五百年前溯

清閼三千里外憶姑胥雲煙過眼夫何繫所繫民情實  
怨如

壬午南巡再遊獅子林攜雲林卷以往因仿其景題

詩裝弄吳中並書識倪卷茲御園規構獅子林落成  
復仿倪迂意成卷並題一律藏之清閨閣展圖靜對  
獅林景象宛然如覲而吳民親愛之忱尤恍遇心目  
間余之所戀固在彼而不在此

獅子林八景

獅子林

獅子林之名賴倪迂圖卷以傳此間竹石邱壑  
皆肖其景為之冠以舊名志數典也

金少卿集卷四  
最憶倪家獅子林涉園黃氏幻為今

吳中獅子林故址雖存已屢易為黃

氏涉園丁丑南巡曾訪其勝因郵倪卷證之士午乙酉復再至前後並有詩題卷中

因教規寫閣

城趣為

去聲

便尋常御苑臨不可移來惟古樹遙由飛去

是遐心峯姿池影都無二呼出艱逢懶瓚吟

虹橋

跨水為小橋垂虹宛在片雲帆影何必更羨吳

江

駕溪宛若虹其下可舟通設使幔亭張

去聲

吾當問順風

假山

獅林以石勝相傳為瓚自位置者茲令吳下高  
手堆塑小景曲折盡肖驛此展拓成林吳曾武  
賁之於中郎

妙手吳中堆塑能絕勝道子寫嘉陵一邱一壑都神肖  
憶我春巡展步曾

納景堂

鏡水寫形遇以無心而景自為納斯堂所得殆

乎近之

花木四時趣風雲朝暮情一堂無意納萬景自為呈色  
是空中色聲皆靜裏聲擬然聲色表五字亦因成

清閼閣

臨曲池面假山景清境閼雲林小閣何不可作  
如是觀

武夷一曲中清閼小閣置近臨活水澄平揖假山翠遐  
想創作圖自詡荆關意王蒙那夢見因公宜寶弄

叶  
以上

三句槩括倪  
瓚自識語

豈期屬黃氏又復御園至今古實一瞬蘇

燕非二地當年閣中人未必首肯遂

藤架

紫藤引架垂陰縵縈可十數武於石橋宛轉尤

宜

石橋既曲折藤架復遷迤春時都作花步障垂葦紫瑣  
月多風流蘸波鮮塵滓施松援覺艱附木平可喜載詠  
頗弁章庶幾見君子

磴道

循巖陟磴詩人比之丹梯此雖疊石而成亦自  
覺風雲可生足底

房山石似洞庭刻峭一例嶺嵒拾級試登磴道丹臺咫尺通靈

占峯亭

峯頂一笠清曠絕塵元鎮畫往往如是印證故  
在不即離間



雖是假山亦有峯嶸磔硤轉饒趣歷艱陟頂得稍平  
四柱小亭翼然據一步一奇極變幻眼底神情乃畢露  
俗手石工那得窺粉本倪迂精絕處

御製詩四集卷四

欽定四庫全書

御製詩四集卷五

古今體一百三十七首

壬辰五

生夏二十首仍用元微之生春詩韻

有序

選舊題于長慶翻新亦既先秋踵正格于生春充  
類何妨及夏對時興詠矧長養之當宣即事成吟  
信清和之可愛爾其律調中呂序肇南訛時膏已  
渥于青疇德畧方昭于丹陸驗景風而施爵翹秀將

成時當壬辰會榜育庶物以平衡租庸遍復普免天下正供今歲分蠲

通時則七舉秩而涼冠始御五明闢而輕蓋初張

大禴吉蠲令協含桃之薦

常雩恪展候占秀麥之登階前則紅藥翻晴圃裏則碧蔬

浥露踈簾卷轂綠樹鶯來小簟涵漪青荷魚戲疇

結制龍之坐還薰香水以明因或陳詐馬之筵若

舞旂風以從俗撫炎節而洪纖疏列寧殊韶景蕭

晨怡永日而次第評量仍此依聲備什詩以言志

期元琯之循環念惟在民應薰絃之解阜若云具  
體宜全四氣斯則續賡有待三餘

何處生夏早夏生平秩中璣旋四月節竿相去聲巽方風

天德空牢惠日行南陸融測辰晝方永漏報挈壺叢

何處生夏早夏生換季中每歲三月禮臣奏請換戴涼帽日期或以十五或以廿五視寒

煖之候捲簷皮去暖冬帽哆口葛含風夏帽晴雨還殊為定

製夏帽常用以紅緯為飾雨袍衫雅稱融朝章弗相襲則飾以朱甕行裝亦用之

遵守摺紳叢禮不下庶人間閭之閒  
禮帽草笠原聽衆便

何處生夏早夏生

禴祭中朔辰修孟祀

太室敬薰風籩豆犧牲進衣冠禮樂融為榮傳有事

廟中行禮以室宗覺羅之列仕  
版者執事駿奔俾得叨榮展敬 潢衍薦椒叢

何處生夏早夏生簾箔中易瓊知去冷代竹為延風似

水漪紋澹遮曦晃影融獨憐認巢燕窺煞碧筠叢

何處生夏早夏生

雲祭中見龍因請雨樂凱已歌風

青幕苾芬薦絳霄煙燎融庶幾膏澤惠瞻望葉雲叢

何處生夏早夏生新綠中清和方應候

按沈德潛別裁集舉張衡賦及

謝靈運詩以為清和當屬二月後人謂四月為清和失猶字義云云然猶雖訓如亦訓尚且謝朓白居易第皆

屬之四月固不必拘泥也

蔥蒨始舒風繞屋都無異連林若有融

後凋殊衆者祇看柏松叢

何處生夏早夏生菜圃中玉瓜生灑露苦菜秀猗風綴

絮垂垂好堆盤款款融寒酸有真味莫問食單叢

何處生夏早夏生鶯語中候寒遲北地

江以南鶯鳴以二月北方氣候

較寒四月  
始開鶯  
鳴試藉南風色以金衣艷聲諧玉管融

戴顓饒幸事兩度覓方叢

何處生夏早夏生浴佛中有緣澄性海無始暢宗風德  
水本清淨戒香自妙融如來來去底事此僧叢

何處生夏早夏生試扇中展時輕蔽日搖際自來風題

詠性情託畫圖景物融五明逞奇說誣聖闕辭叢

昔人率以五明

為扇數典自舜余謂武王始作箴舜時安得有扇蓋扇  
本門扉若禮所謂闔扇崔豹本闔四門之意變其辭為  
五明後世遂以華罵之事誣  
聖妄矣近曾為說正之



何處生夏早夏生麥浪中掛帆誰泛海拖轂自宜風候  
冀青黃接香聞餅餌融老農凝望眼日在綠波叢

何處生夏早夏生紅藥中本殊草與木

芍藥草本先出  
牡丹木本後出

亦謂之木芍藥南方二三月即開北方四月  
乃開芍藥則五月乃盛開亦有四月開者花麗日和

風分埒榮非妬當階意欲融元暉點筆際翻影正連叢  
何處生夏早夏生櫻

薦中藉申殷宰訓寧學漢家風籠貯青絲彩盤堆赤玉  
融奚稱文館醺歡聚侍臣叢

何處生夏早夏生魚躍中暴腮爭逐浪

魚以首夏交合牝牡相逐嚙腮

以孽其尾故尸子有暴腮龍門之說蓋其時正當首夏成匹之時耳上則為龍已屬荒誕後人遂訓為曝以比失意不中者更

失之孽尾慣衝風或妬鱗鬚鼓相交意氣融鯢鯢旋去聲

浮散脈脈復叢叢

何處生夏早夏生荷葉中田田纔去聲鋪水貼貼未搖風錢

似黃無染玉如青有融待開初日朶莫忘泛波叢

何處生夏早夏生黃繖中團張蔽炎熱斜颺受涼風葵

擬傾陽好竹支得陰

去聲

融如將譬捧日可喚瑞雲叢

何處生夏早夏生廟會中元君傳聖誕五頂盛靈風

人部

崇奉碧霞元君隨方立廟稱為五頂俗以四月十八為元君誕日各立香會集廟中擲草雜伎雖不免過奢以從俗宜亦弗禁也

臺閣肩行簇幢旗扛戲融道民貴因俗難概

禁繁叢

何處生夏早夏生結制中經行罷僧脚默坐究禪風動植傷胥惜鐘魚寂總融安居毒龍伏慧草任成叢

何處生夏早夏生毳幕中殺牛非禰祭詐馬述先

風

北漢三月馬始生駒取北馬令駒叩乳少飼之即執駒別繫于長繩其名曰遮勒婦人漉馬湏為漿其名曰

七格至四月初成于穹廬中插柳祈福以膏柳插歡  
新于是為詐馬之宴蓋蒙古舊俗最所重也

心浹渾成醉面融應憐駒未飽綆繫泣枯叢  
何處生夏早夏生翠簾中含涼似鋪雪卻暑欲翻風麗  
覺紅藤侈消欣白薤融挾牋聊遣興未足儷吟叢

西直門外作

龍見應修

雩祭常還宮遷坐致齋莊逾旬未見烟郊景二麥菁蔥  
苗更長

稷下黍高種已齊  
今春農事早非稽  
待耘此日田疇潤  
擢穎青青恰入題

昨作風霾傍晚收  
恐因靳澤踊增愁  
陣雲落雨石衢濕  
便以優霑可得不

雩祭禮成敬述

昨年遣代為巡方  
茲際躬親敬益費  
青仰

園帷垂軌芴翠籠

帝燭燦熒煌三春已  
是霑雪雨排日恰欣  
值角亢

詣

壇

及

祭日適值角亢

祇切希

二宿與龍見恰相合

思免水旱敢云恃

愛顓豐穰

題漢玉小椀

小于茗椀大于卮樸謝雕幾古所貽黃暈土華皴粟子  
白含玉質本羊脂籀文兩字傳光贊碾法雙鈎出漢時  
自是署名期不朽至今署者豈仍知

續題獅子林八景

倪瓚原卷中自識與趙善長商權作獅子林圖且  
囑如海因公宜寶弃云云是則為圖本自倪而疊  
石築室已在疑似何況歷歲四百餘年室主不知  
凡幾更而今又屬黃氏矣則今之亭臺峯沼但能  
同吳中之獅子林而不能盡同迂翁之獅子林圖  
固其宜也雖然予之詠高山而企慕蘭實任倪而  
不在黃言之不足長言之因復取其可詠者凡八  
景為續題云

清淑齋

就樹得佳陰境原獅子林假山亦碧巒曲徑致幽深花  
色淑非艷溪聲清以沉如云晤倪老恐未契高襟

小香幢

一間樓湧小香幢調御琉璃朗慧釭珍重迂翁囑如海

倪瓚獅子林卷自識有  
如海因公宜寶之語

由來者箇未全降

探真書屋

雲廊拾級上書屋號探真詎在遊文苑所希識道津精



研足絙歲深造貴潛神欲問枕莊者誰誠自得人

延景樓

詭石玲瓏棧徑通入來渾似萬山中近峯遠渚攬次第  
秋月春風觀色空拾級望遙目容與焚檀習靜意沖融  
雖然延得江南景罷露臺慙未昔同

畫舫

有溪有岸有舟呼活景沿緣面面殊欲傲清河書畫舫  
收來真蹟是倪迂

雲林石室

灑然石室額雲林元鎮流風若可尋却與田盤開別面

盤山靜寄山莊中  
向有雲林石室

古松都隱剩巖岑

假山雖肖吳中稚  
松皆新種固不如

田盤古松  
林立也

橫碧軒

文軒築溪上溪水如帶橫一條拖碧玉朗暎心目清有時漾輕漪閃影翻檐楹奚必藉鳶魚天然道趣呈

水門

牆界林園水作門泛舟雅似武陵源  
羸他祇有淵明記  
不及迂翁畫卷存

再題杜瓊獅林圖疊前韻

倪家粉本杜家摹御苑獅林木石圖  
得一函三了可悟  
由今視昔定何殊坐清閤閣緬隱迹  
建小香幢供佛跏

卷已編書幅懸室

倪瓚獅子林卷已入石渠寶笈上等編列成書不能移置杜瓊此幅係續

入未定鑒藏之地即懸之獅林以證勝蹟憶杭高致或同蘇

杜瓊跋謂擬徐賁獅林十二改作小幀而布景筆法

全似雲林又不言賁為臨瓚或賁曾見倪卷竊其意  
以分段見奇究不能掩其奪胎之蹟瓊復合而為一  
仍不離本來面目即謂杜臨倪亦無不可因再識之

浴佛日作

過去未來現在今佛生日者向何尋徒稱浴以八德水  
亦復因之雙樹林可識西方極樂國本由一念大悲心  
結緣那是人天喜麥頃芄苗蔚綠深

題鄒一桂花卉山水小冊各二十四種有序

去歲一桂祝

釐來京以候凍盤桓京邸數月雖甚愛其畫但以年老  
不忍強勞之故未多得旋亦南還因檢大內所藏  
彼畫甚夥而茲花卉山水小冊各二十四種自題  
云畫中詩詩中畫者所為去情入神盡態極妍雖  
令一桂再執筆恐亦不能彷彿蓋繪事以小函大  
固難而尤非老人所易辦不同詩格益老益進終  
亦不太費精神耳錢陳羣在京時愛其鹿馴巖畔

當童扶之句凡令三疊韻而愈出愈奇將因北風  
附此語質之二老以為何如亦藝林一段佳話也  
高人風韻道人粧肯向凡花互競芳愛是青山流水裏  
春光幾許付漂香

青山千畝白流水一春香

綠萼梅

春來百結一朝舒瑣碎不無香有餘何事山人偏被屏  
去聲 謂白者 獨教衣紫炷庭除

拂檐香瑣碎堆砌紫蒙茸

紫丁香

白白朱朱總韡然  
那論結實小桃鮮  
祇從託物思詩義  
幾欲廢乎宵雅篇

華開古唐棣實結小櫻桃

棠棣

底須九畹富滋諸  
兩朶幽香已穆如  
清以聖而靜仁者  
其人亦合擬三閭

穆如仁者靜香比聖之清

蘭

碎花瑣瑣竹松間  
也自稱梅不靦顏  
頗似面藍人得志

却同顏

真卿

李泌

共清班

映竹分青色穿松夾翠濤

翠梅

楚歌未動陰陵道舞袖風翻虎帳春  
何事翠眉顰泣處  
西村偏效浣紗人

風翻紅袖舞露浥翠眉顰

虞美人

是花是鳥是殊同一例啼痕似染紅  
望帝春深煙月下  
不知何事恨東風

翠煙深夜月錦水舊東風

杜鵑

冰霜度可傲薰風淡白姿偏却艷紅  
設向高唐雲裏見



淨香嗅罷萬緣空

爽致消繁暑高情謝曉雲

茉莉

漫道無香亦自香  
秋風籬落散微芳  
試從瓣萼端詳看  
分得陶家幾點黃

畹香難入譜籬艷欲分秋

藍菊

帶雨依然似灑淚  
含風黯爾不禁情  
春園疑恨同名姓  
生面別開一段清

嫩香偏帶雨薄暈不禁風

秋海棠

山谷羶薌留句後黃香名目艷貽今畧輸鄧尉寧無故  
色擬玉非祇擬金

粟玉圓雕蕾金鐘細作行

蠟梅

盈盈脈脈嬾仙衣照影清波香遞微設問金卮擎底事  
應緣斟酌酒酌湘妃

翠帶拖雲舞金卮照雪斟

水仙

奚稱風處清香滿漫擬雪如素艷粧祇有愛民一念切  
至今人尚詠甘棠

素艷雪凝樹清香風滿枝

棠梨

千樹莫誇繁蕊舒霞光日彩惠風初元都觀裏劉郎返  
燕麥兔葵轉不如

霞輕籠樹影日暖散林光

碧桃

垂之頗見有餘紳柅蠟休譏色炫春宜贈翰林諸學士

天然金帶稱

去聲腰身

蠟苞方半吐金粉若為垂

緩帶

內則已稱蔭並佩晉書復調菊同華遜齋設不翻閱覽

誰識楚辭謂此花

芳心同佩茝馨室擬親蘭

澤蘭

一樣東風韶蕩姿鼠姑何礙幻魚兒宋家近體相聯韻

周必大等數人皆有詩用一韻

麗句翻忘宵雅詩

蕊含香國信囊括小園春

魚兜壯丹

沉檀畧似嫌火氣桃李雖佳特靚粧鼻界返聞契清淨

鄙哉何粉與荀香

何郎初傳粉荀令乍薰香

木香

已忘匪石不可轉仍藉此君當自求試置風松雪梅側  
未知三友肯容不

殷疑曙霞染巧類匣刀裁

石竹

靈芸小字換來新香拂宵風不染塵即看聯花還綴葉  
巧縫也合號鍼神

紅塵飛不到玉露夜生涼

夜來香

冒雨却疑杜宇泣定風還似石榴安山人應與世無涉  
何事猶存一點丹

光融勝杜宇顏好甚安榴

山丹

名字遙思入楚騷垂頭姊姊立江皋釣磯設果紅綠綴  
應識遊魚早避逃

寶絡垂蓮岸紅綠拂釣磯

琴

王母來來種類遺年年七夕杳無期可憐頭赳分明在  
飛去不能祇繫思

清音自瑤島仙夢到羅浮

翠雀

雅似一中旨酒柔笛吹曾不落枝頭小山自擬維摩畫

蘇軾跋王維畫云觀摩詰之畫畫中有詩乃指其山水  
景今一桂於花卉小冊每幅各系二句題曰畫中詩蓋  
欲自擬摩詰因借  
東坡語取義耳 却是東坡早識由

烘笑從人贈酖顏任笛吹

紅梅

右畫中詩花卉二十四種

一蟬雙鶴各布夾生動真傳氣韻斯花卉那能較山水  
詩中畫勝畫中詩

盤雲雙鶴下隔水一蟬鳴

祖詠

洞雲白出窓含潤庭竹青連山欲迷著箇茅菴掩靄際

仲文恰合與留題

近窓雲山洞當戶竹連山

錢起

層巖飛瀑鎖烟霞竹樹參差靜不譁  
繡戶紗窓雖綺麗山泉幻與作仙家

積翠紗窓暗飛泉繡戶涼

王維

委蛇退食向詞垣步出迴看左掖門  
花柳寧宜廟堂物杜家詩史有微言

退朝花底散歸院柳邊迷

杜甫



一磴危懸接小亭，過亭雲白隱山青。  
漱崖江浪翻湔淚，那可其間客舫停。

江濤出岸險風磴入雲危

王勃

溪上松間開草堂，青山白水捲楹光。  
雖然老杜曾言悶，到此應教悶早忘。

卷簾唯白水，隱几亦青山

杜甫

負郭人家江路臨，買魚沽酒客船斟。  
澄之清耳民猶水，深意誰知倚杖吟。

山縣早休市江橋春聚船

杜甫

愛聽松風落  
落吟風翻  
松露濕衣襟  
洗將聲色都無著  
無著其間那覓心

步壑風吹面  
看松露滴身

杜甫

雙橋兩水互縱橫  
橘柚秋烟遠未明  
不是畫中有詩趣  
令人何故識宣城

兩水夾明鏡  
雙橋落綵虹

李白

水窮自是山深處  
雲起山深水氣含  
詎祇精詮標合一

雅欣妙繪契函三

行到水窮處坐看雲起時

王維

山來高閣非無色泉入平池定寂聲  
聲色兩空空亦泯  
九龍何事更牽情

泉聲到池盡山色上樓多

張祜

一簪塔影倚清空駐錫惟應是義公  
山下可看不可到  
鐘聲遙出白雲中

塔影掛青漢鐘聲和白雲

蔡母潛

莫謂深山無逕尋  
引入入勝有鐘音  
高僧祇在禪房坐  
客到喫茶請自斟

古木無人逕  
深山何處鐘

王維

風正波平好進航  
帆過野館帶花香  
何須數典稱南海  
取義端知有斷章

野館濃花發  
春帆細雨來

杜甫

羣秀常看戶外峯  
階前衆壑有泉淙  
招提既是大禹寺  
那更安禪制毒龍

戶外一峯秀階前衆壑深

孟浩然

盤雲幾曲逕堪披一派飛泉擘石垂  
莫道畫家艱落筆  
深於詩者易能之

透石飛梁下穿雲仄徑斜

題

春水輕舟訪故知夕陽烟柳冒絲絲  
不寧枚舉李又句  
兼善神傳常建詩

夕陽烟柳岸春水木蘭橈

李又

高峯截嶺鎖氤氳黃葉林頭覆白雲  
恰似世尊量頂相

梵天丈六了難分

高頂白雲盡前山黃葉多

賈島

竹溪寫影穿沙出藤蔓遮門帶瓦垂佳處似茲天下少  
那還愁繫旅人思

對門藤蓋瓦映竹水穿沙

杜甫

月上空山收夕靄溶溶露氣滴松梢此時夜坐消諸慮  
寧計僧門推與敲

月臨山靄薄松滴露花香

張喬

網下澄潭纜結航  
趁墟賈客復連檣  
民情在順不在擾  
我亦心厓魚米鄉

結纜排魚網連檣並米船

杜甫

密樹有情蔽深屋  
空山無客響流泉  
天然妙境誰牽合

能爾為

平聲

人為

去聲

集聯

畫冊所取皆唐人整聯獨此幅集句而成以初唐詞客儂中唐

詩僧格調相融畫境雅稱殆天然巧合也

重簷交密樹流水響空山

王勃釋法振

緩勒山行入翠微  
濛濛濕潤欲霑衣  
草青馬飽嘶聲喜

馬食飽驕嘶乃常有之事若方銜草時則斷不是李  
能鳴杜老雖稱詩聖此句則不免以辭害意矣

南識者稀

見抱朴子

衫裏翠微潤馬銜青草嘶

杜甫

雪嶺錦城見界天

蜀人云成都城中可望見雪山

正厓捷報定金川

溫福

既攻破資哩之險復克其阿喀木雅進攻普爾瑪美美  
卡碉寨桂林亦連破達烏墨壘溝諸要隘進抵僧格宗  
皆指日可達美諾賊  
巢竹助擒渠捷奏  
小山場攬詩中畫擬藉杜王解念

懸

全冊以子美雪嶺聯為結不獨摩詰詩中畫意即

遺吟懷而玉壘晴曛用告成事亦足徵佳識耳

雪嶺界天白錦城曠日黃

杜甫



右詩中畫山水二十四種

首夏靜明園

暮春命蹕駐香山東道於斯經往還泉石孤哉緣少暇  
清和來亦暫偷閒峯邊落葉密添翠砌畔紅花半就殷  
雷火光陰無住裏偶成長句寄其間

華滋館卽事

視事傳餐有定時來遊率亦憩於茲畫屏生色背峯倚  
玉鑑明輝面水披漫惜春光已消歇微憐夏節待華滋

今春膏雨雖露通日屢作風預恐因循致旱已望繼澤之滋矣  
值無引見惟章奏

是日偶無

引見  
官却覺心中早愧之

竹鑪山房

泉稱第一冠  
寰區取水無須調  
水符小坐山房試清供  
那更狂句效其盧

已飢已溺聖人思餘事  
惟茶姑置之設使相如類消渴  
育材時亦念乎斯

聖因綜繪閣

聖因寺側有離宮  
綜繪於斯結構同亦已年深看松老  
雖云春過尚花紅  
迴溪水色全歸澹  
別嶂鐘聲藉悟空  
空澹中應不念念  
馳明聖昔民風

寫流軒口號

樸樸軒楹小小湖  
倚欄即愛鏡光鋪  
雖然不是西湖水  
天一生來豈有殊

冠峯亭

玉峯今日不擬登  
玉泉今日聊斯賞  
西湖別墅忽面前

是一是二何須想箇中假山亦有峯亭以冠之壘竈同  
為攬高黍及低稻豈圖樹綠與花紅平湖塔影落眼底  
淨慈禪意鏡光裏

清襟樓

玉峯塔頂罷登臨別嶂西垂趁便尋樓院牡丹謝已盡  
坐來真覺稱清襟

棲霞室

西嶂落平似垂龍於茲少輯仍夷峻倚巖得室樸而野

樓雲受日為霞紅雲樓即是樓霞處建業

樓霞

錢塘

雲樓

兩

如故豈重佳景縵江山惟有民情憶休助稻田俯攬微風起又復因之望雨矣

雲鶴岑

鶴以岑為巢遊必雲中耳岑惟止其所雲鶴有動止試從雲下望岑亦如浮起函三乃得一合相寧由揣然總宜忘詮緒言覺非是

題涵漪齋

降岑復登舟沿緣至水閣興言小坐憩憑攬漪瀾作舟  
行豈無瀾其內觀非樂座中物外觀涵趣覺廣博因憶  
東坡記超然與同託

倚晴樓

齋後廊連傑豎樓倚晴檐額見擡頭無過一歲至三兩  
率復闌心託喜愁近盼雨分非盼霽不宜春也祇宜秋  
層甍却是都無繫隨遇安之待句留

舍峭居口號

倚峭為居峭復舍寫楹暮靄復朝嵐徒增素壁題詩句  
結習何曾脫戲談

掛瀑簷

每從北嶺來見泉在足底漾舟造溪齋瀑果掛簷矣高  
下曾何定名象由摸揣色已擬冰雪聲以譬宮徵愈巧  
愈速哉水焉知有此

樂景閣二首

麥隴纔看綠似油稻秧插徧刺波流思量復雨當益好

於樂之中每具憂

不暖不寒首夏時曰山曰水畫圖披以言佳景誠堪樂  
却是吾心弗在茲

虛受堂

臨水樸堂搗水虛堂亦虛空澄兩鏡映廊落一心如攬  
景無須擇成吟即便書義經垂至訓切已在行諸

漱烟亭

石島週遭湖水清小亭一个學蓬瀛憑誰分得仙凡界



時有波烟護秧楹

清音齋

園內此齋久檐楣

羲篆垂松濤窻外奏泉筑岸傍披契念在清聽去聲返聞

入靜思癡哉桓元子較論竹和絲

翠雲堂

千林新葉密擎扶翠色如雲一例鋪雙括對他若相謂  
終無改度似予乎

自玉河放舟由昆明湖歸御園即景雜詠

遊八刻餘詩廿首羽林苑外候將勞暇云遣則歸應可  
興所適當戒在豪

來以輕輿返以舟為欣順水送乘浮界湖迴望高樓遠  
笑我當前缺句留

兩行綠樹佈陰齊不見黃鶯聽巧啼曰色曰聲鏡光裏  
弗留而過幾灣隄

隄外鱗塍插秧遍方方白水浸青苗農功較比常年早

夏長秋收候正遥

漁村蟹舍遥相望  
甍社菱絲夫豈殊  
桑柵數聲葦渚拂  
却看漠漠起飛鳧

機聲軋軋聽來近  
早識舟經耕織圖  
別舍蠶功剛炙箔  
總闢民計總塵吾

玉帶橋過出玉河  
昆明湖濶靜微波  
行來畫舫舫石舫  
路取山陰近幾多

山陰佳景頗堪尋  
得句多哉弗重去聲  
吟便返御園問章

奏遙遙軍務正關心

夜雨

四月十三日

卓午生雲晚密陰旋聞雷雨作宵深金蛇影亂窻光閃

玉箭聲喧簷溜掛暮覺盼哉未臻劇

京畿三月十三日雨已優霽後復微

雨二火過日稍覺多風恐其漸致乾燥所幸餘潤含滋尚未急於盼澤也

遂霽優矣益滋欽

晨披章忝濟南旱

今晨徐績奏至以濟南泰安等府盼雨甚切現在設壇祈禱茲京畿既霽

優霽且經歷數時冀山左亦得同被時霖耳

茲或逮乎繼遠心

題方琮山水二律

春景

開韶初歲嫩曦烘太古山中景漸融  
新水偏宜蘸柳綠微風不忍拂桃紅  
一犁春雨農驅犢夾鏡湖隄客策驄  
萬物登臺意頗具民艱滿目恐難同

秋景

層峯昨夜入金官一刻千林遍染丹  
何必停車幽徑側恰宜攜客坦崖寬  
雲間楓葉惟紅點秋際松枝祇綠攢  
橋上抱琴童子過縱能知妙不能彈

陝甘總督文綬奏甘省得雨情形詩以誌慰

昨春及前夏甘省連遭旱賑濟救民困昨夏始旋轉秋  
田頗有收出糶街市滿然期元氣復必賴春膏善農興

接奏章甘雨被近遠

文綬奏甘肅各屬於三月中下雨旬節報得雨二三四五寸不等蘭

州省城復於四月初五日霑膏三寸夏禾青蔥滋長秋禾亦得來時播種

夏禾長

上聲

青蔥秋

禾播種徧

叶

額手為忻慰吾民庶饑免安居樂婦子政

清刑自簡

題漢王穀壁

璧始姬周非邠金製傳子執義堪尋  
悠哉世代何須辨  
寶寓民天遇輒吟

題揚雄甘泉賦事

甘泉獻賦風

去聲

樞宸更著劇秦與美新  
設果出腸明日

死投身天祿又何人

新論謂揚雄作甘泉賦始成夢腸出收而納之明日  
遂卒夫雄獻賦當成帝時其後歷哀平孺子而莽始  
纂此劇秦美新所為作也若賦成而死安得有投身

天祿之事乎出腸之夢蓋不過言其作賦鏤肝研練之苦耳新論稱奇遂至紀載失實且雄之獻賦不過同美新求媚之意而一稱諷遂自託於正人然則美新亦可云諷乎莽大夫揚雄死惡能逃正史之誅哉

山西巡撫三寶奏報得雨

春膏麥黍茁青蔥夏澤欣霑日復同

三寶奏四月初中二旬晉省八府十

州節次得雨二三四五寸不等麥黍滋惟太原一府未透茲於十三日自申迄戌省城渥霑滂沛四野均霑夏麥秋禾倍增蔚茂其沃膏正與京畿同日為之心慰而不能不塵懷山左之待澤耳

宣不闕心



慶西晉却憐山左望成空

詠官窰瓶

粉青真上品  
鱗血具奇紋  
卦義八稜蘊  
環形雙節分  
稱珍惟樸素  
引趣却華紛  
比似宣城巧  
椎輪此出羣

題張祚溪亭對話

遠山落飛瀑  
赴澗匯成湖  
湖上有草亭  
高人對坐俱  
相顧若相談  
知為何語乎  
松泉應答間  
試問能同無

夜雨

四月廿一日

數聲

上

日纔旬逮甘膏入夜霽前遭猶疾驟此省

去聲

更悠

揚麥穗益資飽禾苗更吐長惟殷山左望馳驛命詢詳

京畿於月之十三日快漚優膏適聞山左盼雨甚切冀得普霽大雲因即傳諭馳問尋據徐績奏是日惟泰安屬二縣有被澤數寸者餘未遍逮蓋前次雨勢驟集未能及遠此次密霽竟夕聲徐而潤足東省自可同霽因復命部洛詢之

西直門外作

三載一掄魁

去歲恩科今歲正科故連舉傳臚之典

傳臚御殿迴輕涼避

紅日濃露到青荻麥穗都齊矣禾苗有是哉何修斯鮮

上聲  
遇益慎敢徘徊

詠和闐玉鏤周螭螭壺

今玉掄材倣古為雙環連耳簇螭螭天然體鉅高踰尺  
人巧工深圓中去聲規矩必遙同鍾鼎識端知遠勝夏商  
貽包來禹貢曾無見一以欣而一愧之

夏日承光殿

太和清曉簡魁元夏日依然返御園路順因之更禮服  
驛來便以閱崇軒御殿後臨此更衣適溫福軍營奏章  
至即於此批閱並為籌示機宜面授

軍機大臣傳諭郵寄隨時勤政寧容忽應變籌軍豈易言衛士漫

嫵稍久待非因問景玩高奔

倚虹堂進舟即景

溪堂丹雘煥慶典去年經進舫斯為便於齋莫漫停柳  
風輕送爽參夏茂含馨迴望結心願頻新祝

懿齡

辛未恭遇慶典建此堂以備聖母臨憩御筆辛巳辛卯丹雘增新更祝此後每十年再煥

遞加永以為例

舟泊樂善園因進一遊

渚園臨碧川漾漾見當前閱歲未尋徑一時耶艤船雨  
餘樹如滴夏孟卉初鮮小就書齋坐孤哉架上編

題含清齋

協紀應清和考律當清微溪齋曰含清而我適來此  
三乃合一其間蘊妙理稍憩仍進舟馬能究厥旨

廣源閘易舟過萬壽寺至昆明湖登陸回御園沿  
途即景雜詠

廣源一閘界東西水截長河高與低舟不可通應易進

早看艤棹候前隄

花宮窈窕枕長川雲水僧人跣道邊風利不須重結纜

付他到點自叅禪

到即不點點即到二語見傳燈錄

麥浪翻風麥穗翹幸哉今度麥莊橋碑亭誌水昔年建

農計殷殷屋旰宵

西轉長河更北行岸傍火器建新營

國朝舊制練八旗精銳為大飛營茲

特動帑建營於此俾聚居便於操練便於操練省賃屋

一舉還看兩得成

玉河高水向東流，滾壩平鋪雪浪浮。  
多少節宣資灌注，湖心西望峙層樓。

繡漪橋北坦昆明，一碧澄波漾舫輕。  
奚必天孫費機杼，七襄宛在面前呈。

鳳凰墩據水中央，來往頻過眇渺茫。  
却似神洲聳瀛海，那教容易艤烟航。

東岸湖亭俯廊如，到斯登陸易輕輿。  
軍營驛傳曾來否，捷報而今正盼予。

山東巡撫徐績奏報得雨詩以誌慰即用近作夜

雨韻

佳音披驛牘知被渥膏露

徐績奏濟南省城於四月二十一日夜半後霽雨連旦驗

得七寸四野均霑二麥頓覺以觀將來收成數不至大減且雲氣甚濃沐膏必廣現已飛檄各屬俟續報再行入告覽奏為之欣慰疆吏憂懷釋農民喜氣揚雲濃冀霑廣雨

落幸時長別郡究何若續陳待閱詳

題崔子忠掃象圖

內空外空內外空寓言掃象示宗風東坡留帶分明寫



石渠寶笈舊藏崔子忠東坡留帶  
圖與此帳筆墨相似的係真蹟  
筆墨大同意不同

御製詩四集卷五